[fol. 43v]

## Einnamb an Piergleger

Von hieuorstehendten 760 Preuen, so diss Iahr gemacht wordten, hat sich in allem Piergleger erzaigt 253 Podichen, deren aine bei 4 Viertl Vaß helt, die werden, wie hernach fol. 45 zr. zusehen, vf Iro Churfürstlich Durchlaucht aignen Verlag geprent, id est

253 Podichen

S<sup>a.</sup> per se [253 Bottiche]

Sinnd an heur gegen ferten vmb 19 Podichen mehrer, weilln mehrer geprent worden

[fol. 44r]

## Außgab an Pierleger

Allweilln verstandtnermassen daß Pierleger oder Germb alda selbst geprent wordten, so resstiert alda *Nihil* 

Der Brandt oder Abwasser vom Prandtweinprennen, wie in der 1674ig-iehrigen Preurechnung beraits vmbstendige Erleitterung vorgeschriben, ist iederzeit dennen Preubeambtn genedigist vergont wordten vnnd obzwar nit ohne dz man schon vor etlich Iahren sowohl dennen Beambten als Preumaister die gehebte Ambtsnuzung von Tröber vnnd Taig durchgehents abgeschafft, so hat doch der Preumaister vf sein vnderthenigistes Supplicirn (was ihme abgesprochen) alls widerumb vfs neue völlig die Beambte aber nichts ausser diss Getranckh erhalten, welches man ihnen, weilln das Sudwerch consequenter auch die Verrichtung bei disem schweren Ambt von Iahr zu Iahr gestigen, als ir ainziges accidens zue Continuirung ihres verrer Vleis vnnd Eifers zuegelassen vnnd passirt, traget solcher bald etwas mehrers, bald was wenigers, der besser Nuzen hiruon ist zu haben, wan sich ainer selbst mit rd<sup>o.</sup> Viech beschlagt, alsdan ein Beambter solchen von 50 in 60 fl. vngefer bringen mag; ansonssten aber vnd wan das Sudwerch starckh gehet vnnd das Getraid wolfaill, hat der Prandt khein Nachfrag, sondern man hat solch wie erweislich offtmahls ganz vergebns in die Altmühl auslauffen lassen müessen